

## Wozjewjenja na 2. přezlětnej njedźeli (16.01.2022)

1. Džensa w 14.00 hodź. je nyšpor. Wšitcy wosadni su wutrobnje přeprašeni.
2. Boža mša kotraž so w interneće na You Tube přenese je džensa w 9.00 hodź. z Chróscic. Link za sčehowanje Božeje mše je:  
<https://youtu.be/kqleXtqpfdk>
3. Na Božich službach smědža so w Drježdžansko-Mišnjanskim biskopstwje hač na dalše jeničce wot korony wustrowjeni, šćěpjeni abo na nju negatiwnje testowani wobdželec (tak mjenowana regula 3G). **Přístup do Božich domow dyrbi so wotpowědnje kontrolować.** Štóž nima žadyn dopokaz, móže so sobotu wot 17.00 do 17.30 hodź. na farje testować dać. Za Zdžerjanskich wobsteji k tomu móžnosć sobotu w 18.00 hodź. na hrodze. Štóž ma doma sam test, njech sej jón sobu přinjese, zo by móhl pod dohladom spěšnotest přewjesć. Z tutym dowola so testowanej wosobje přístup za 24 hodžin do cyrkwy. **Nahubnik ma so wšón čas w Božim domje kaž tež před nim nosyć.** Zdobom ma so wupožena cedlka we ławce wupjelnić a při wopušćenju cyrkwy do kartona tyknyć. Napisajće prošu na wašu cedlku čisło ławki. K tomu njech so swójski pisak za wupjelnjenje cedlki sobu přinjese. Prosimy wšěch wo zrozumjenje.
4. Póstny a abstinentny dzeń do swj. Bosćana je srjedu. Přez cyły dzeń budže před jeho postawu w cyrkwi swěčka zaswěćena a wosadni su přeprašeni k wosobinskej modlitwje.
5. Štwórtk wopominamy swjateho martraja Bosćana. Runja našim prjedownikam, prošmy jeho w nuzy našeho časa wo zastupnistwo pola Boha. Boža mša štwórtk wječor je w Radworju 18.30 hodź. Do Božeje mše modlimy so różowc. Přez cyły dzeń budže zaso před jeho postawu w cyrkwi swěčka zaswěćena a wosadni su přeprašeni k wosobinskej modlitwje.
6. Přenjowoprawjenska wučba je prawidłownje.
7. Džěćace kemše su zaso prawidłownje štwórtk w 14.00 hodź.
8. W měrcu 2022 je naša wosada z "Nabožnym słowom k dnjej" w Serbskim rozhlósu na rjedze. Zwólniwi njech so prošu pola knjeza Bosćija Ješki přizjewja.
9. Roznošowarjow "Katolskeho Posoła" a „Pomhaj Bóh“ prosimy lětny přinošk za lěto 2022 we wysokosci 27,00 € za "Katolski Posoł" a 8,00 € za „Pomhaj Bóh“ hromadzić a na farje hač do kónc januara wotličić. Roznošowarjo činja to přez cyłe lěto darmotnje. Njech je nam to móžnosć, so jim z małym darikom podžakować.
10. Seminary k přihotej na sakrament mandželstwa wotměja so stajnje pjatk a sobotu, 11. a 12. februara, 11. a 12. měrcu kaž tež 25. a 26. nowembra w Smochčanskim kubłanišću swjateho Bena. Přizjewjenja za seminar w februaru přijimuju so hač do srjedy, 26. januara, ale jeničce online. Link je pod [www.posol.de](http://www.posol.de) wozjewjeny.
11. Worklečanske młodžinske dušepastyrstwo přewjedže za zajimcow klětu nalěto kurs JULEICA. Wobdželnicy dóstanu kartu, z kotrejž so wobkrući, zo su wotpowědny kurs wopytali a sej kmanosće čestnohamtskeho nawjedowanja młodžinskich skupin přiswojili. Přeni džěl wotměje so wot pjatka do njedzele, 11. do 13. měrcu, we Worklecach, druhi tohorunja wot pjatka do njedzele, 1. do 3. apryla, w Smochćicach, tam z přenocowanjom. Zajimcy měli so hač do srjedy, 19. januara, online přizjewić. Link je pod [www.posol.de](http://www.posol.de) podaty.
12. Srjedu, 12.01.22 zemře w starobje 69 lět knjeni Marija Baumgärtelowa, rodź. Brücknerec z Bronja. Pusty wječor a chowanje so hišće wozjewitej. **R.i.p.**

### 13. Domyswjećenje:

We wšitkich časach je Bože žohnowanje jara wažne. Tež lětsa chcemy sej žohnowanje za wšitke domy a jich wobydlerjow wuprosyć. Domyswjećenja njehodža pak so na zwučene wašnje přewjesć. Farar póhdže po zwučenych čarach přez wjes, pozastanje před kóždym domskim a modli so zhromadnje z wobydlerjemi wonka a prosy zhromadnje z nimi wo škit a žohnowanje.

#### Domy so swjeća:

Njedźelu, 16. januara

13.00 hodž. Radwor: Młynske chědže

Póndźelu, 17. januara

14.00 hodž. Radwor: Pod Dubami a Wětrnik (Jatckec – Rječkecom)

Wutoru, 18. februara

17.00 hodž. Radwor: Alojsa Andrickeho (Kokertec-Ertelec)

Srjedu, 19. januara

14.00 hodž. Boranecy: (Bušic-Kopietz)

16.00 hodž. Boranecy: (Bauchec-Šnajdrecom)

Štwórtk, 20. januara

15.00 hodž. Čorny Hodler (spočejo při dwórnišću)

17.00 hodž. Łómsk

Pjatk, 21. januara

14.00 hodž. Chasow

Sobotu, 22. januara

09.00 hodž. Kamjenej (wot Rico Lehdera hač k Wróblecom)

14.00 hodž. Kamjenej (wot Jendrewskec hač k Wenclecom)

Njedźelu, 23. januara

14.00 hodž. Nowa Wjes

16.00 hodž. Holešowska Dubrawka

Póndźelu, 24. januara

15.00 hodž. Minakał

16.30 hodž. Psowje, Lipič, Wjesel a Hat

17.30 hodž. Haj

Srjedu, 26. januara

14.00 hodž. Chelno: Krajny puć + Zeleny doł a nowe chěže wokoło Ješkec

16.00 hodž. Chelno: Wojorowska dróha

Štwórtk, 27. januara

15.00 hodž. Chelno: Wjesna lučina

14. Za kóždu domyswjećensku čaru móžeja so stajnje dwaj ministrantaj do lisćiny zapisać, kotraž leži zady na blidku. Za dlěše čary sym dwójce dweju předwidžał.